

71

朱博士事略

浙江圖書館



类别	史学	编号	2199
书名	朱博士事略		
板式	抄本	册数	1册



浙江圖書館

朱博士事略

瑞安孫詒讓撰



朱博士駿聲字豐芭江蘇元和縣人也祖煥以通禮
經中乾隆壬午科順天鄉試第二名舉人出紀文達
公門下官廣東鹽庫大使著有臨嘯閣遺藁父德垣
附貢生有孝行好經術博士傳世業十三歲父令經
解必問文字源流因授鄒書一讀即通曉戲為孔方
傳文似馬遷吳中目為神童年十五冠郡試補府學
生時嘉定錢宮詹大昕主紫陽書院講席宮詹亦十
五歲為諸生是年重游泮宮奇博士才曰吾衣鉢之
傳將在子矣遂受業門下三年期以通材大儒嘉慶

戊寅恩科舉於鄉。七上春官不第。鬱鬱不得志。在蘇撫張中丞師誠幕。掌牋奏。林文忠公撫蘇。推轂主江陰暨陽書院講席。先後主講吳江荆溪崑山書院。復就館山東揚州浙江會試。數留京。又因事往馬蘭谷。出居庸關。奔走風塵。窮愁落寞。積二十餘年。未嘗一日廢學。道光間。大挑教職。選授黔縣訓導。與諸生講學多暇。著述日富。嘗覽古今說易百數十家。提要鉤元。為學易札記。謂孟京之卦氣五行。荀虞之納甲消息。馬鄭之互體爻辰。輔嗣之空虛清悟。各有所得。亦各有所失。至爭言元理。反疏訓典。墨守宗尚。拘求

義例。尤後儒說易之通病。惟觀其會通。不膠一說。先
釋其文。次求其理。至一卦之中。取象禘出一爻之內。
上下不蒙。不必強經以就我。周公之言。不必拘義文
之義。而義貫孔子之說。不必泥文。周之旨。而旨通。因
箸六十四卦經解八卷。更取歷代筮卦所驗。增綴其
詞。以便占者推尋。又述經傳互卦為卮言二卷。參虞氏
消息意。為圖一卷。鄭氏文辰說易。其書已亡。見於唐
人正義者。僅數條。因據漢志三統術補之。為文辰補
義二卷。尚書則謂今文僅存三十篇。其載天時人事
山川草木禮樂刑政書。雖殘而事猶備。學者苟深窺

淵奧豈徒七觀四要而已。為尚書古注便讀四卷。其偽古文則注引用出處。視梅致齋考異。王西莊後案。尤加詳焉。至論春秋。則謂孔子筆削。亦志在做亂臣賊子而已。其他或據事直書。或仍舊史闕文。本無關義例。三傳以例求之。故各說其說。而終不能通。宋人以臆測之。故自說其說。而更不可訓。先生則析其疑滯。破其拘墟。為平議三卷。亂賊考一卷。又謂春秋一萬八千字。李燾云。今闕一千四十八字。知春秋既修之後。一千八百餘條中。傳寫殘闕。亦復不少。特循文尚可解。不盡如夏五之難通。如晉弒其君州蒲。闕藥

書字黑肱以濫來奔。闕邾字原無疑義，必曲為立說。反誣聖經矣。且孔子曰：吾猶及史之闕文。後儒乃欲于日月名字爵號氏族一二字異同為褒貶，何其固也。著闕文考一卷，又以古書傳寫各有師承，文字互清，必求一是，謂讀書不精，不可論斷。如王伯厚困學紀聞云：書吳入郢，楚昭出奔，猶有君也。申包胥求救，猶有臣也。故不言楚，不知公穀二家郢字固作楚，特楚字不如郢字直切。因為三家異文，覈一卷，又錄周秦漢魏諸集所引，與左氏異同者，復加論斷。俾讀者知邛明當日採擇之旨，為左傳旁通十卷。又輯百家

精注為左傳識小錄三卷。又以儀禮篇帙佚存十七。昌黎博敏，猶苦難讀，因斷章節取為儀禮經注一隅。二卷。又論小戴當合於大戴，今所分三十九篇，惟夏小正獨有傳，疑出公羊穀梁二子，以萬用入學，句傳。傳今時大舍菜，而大舍菜禮秦漢寔已不行。所言今時可知為春秋時。且漢志載公羊外傳五十餘篇，今佚不存，知其所著不傳者甚多。小正傳或出其手。延君編錄失其名耳。為夏小正補傳一卷。又論爾雅太歲在寅，推錢宮詹說謂其時自以實測之，歲星在亥。定太歲在寅，命之曰攝提格，以紀年。歲星所合之辰。

即為太歲。然歲星閱百四十四年而超一辰。至秦漢而甲寅之年。歲星在丑。太歲應在子。漢詔書以太初元年為攝提格者。因六十紀年之名。歷年以次排敘。不能頓超一辰。故仍命以攝提格也。於是後人以寅卯等為太歲。強以攝提格等為歲陰。其實爾雅所云歲陽歲陰。非如後人說也。又讀周語。帝嚳能敘三辰。知十二次名義。當為所定。然今時實測與古不同。星紀以牛得名。今牛在子宮。不在丑。析木以箕斗得名。今箕斗在丑宮。不在寅。大火以心得名。今心在寅宮。不在卯。降婁以婁得名。今婁在酉宮。不在戌。計今時

距周初歲差已四十二度。是名實不相副。古宮之傳。不必施於今。因參用舊名。著歲星表一卷。天算瑣記四卷。又讀離騷。王叔師注。有不漑于心者。為補注一卷。又以小爾雅。晉李軌解。無傳。北宋宋咸注。頗畧。爰集各本。鉤稽裁補。為約注一卷。至研究郵書。功深且久。尤為心力所薈萃。嘗謂自二徐以後。至本朝段錢嚴桂。推行已極精密。而六書中轉注。段借二義。究未有塙詁。因獨拈義例。以為轉注者。即一字而推廣其意。非合數字而雷同其訓。通其所可通者。為轉注。通其所不通者。為段借。段借不易聲而役異形之字。可以

悟左人^古之音語。轉注不易字而有無形之字。可以省後世之俗書。如网為田漁之器。轉而為車网。為蛛网。此通以形。又轉而為文網。此通以意。防為隄障之備。轉而為邳坊。為埕坊。此通以形。轉而為勸防。此通以意。不得謂之本訓。不可謂非本字。又謂疊韻之段借。易知。雙聲之段借。難知。通德釋名。似轉注而實多段借。方言廣韻。半段借而時有轉注。叔重萬字發明本訓。而轉注段借。則難言。爾雅一經。詮釋全詩。而轉注段借。亦終晦。爰著說文通訓定聲三十二卷。為轉注段借之專書。似因而實。勸。又取百六韻。而權衡之。為

古今韻準一卷。循爾雅之條例。貫許氏之說解。又為說雅四卷。益發明轉注段借之義。無遺。又許書有未安者。閒參己意。為說解商十卷。專論段借。為段借經徵四卷。說文通訓已成。又有補遺二卷。嘗與嘉定葛其仁。朱右。曾黜。俞正燮。汪文臺。程鴻。詔論經史事。及門人程朝鈺。程朝儀等問答。有經史答問若干卷。詩古文詩餘若干卷。皆未編定。咸豐元年。詣闕獻說文通訓等書。顯皇褒嘉。加國子監博士銜。旋升揚州府教授。因風痺解官。僑居黟之石邨。自號石隱山人。閒避亂入漳溪。病中聞曾公國藩提兵自鄂南下。喜曰。

吾獻書時在禮部數見曾公服其宏量能平此寇者
其杜在曾公乎臨終誦陸務觀王師克復中原日家祭
無忘告老翁之句咸豐七年病卒春秋七十有一子
孔彰光緒壬午舉人著有中興將帥別傳說文粹九經
漢注諸書能世其學

圖

浙江





浙江圖書館



浙江圖書館



浙江圖書館



71

朱博士事略

浙王圖書館